



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Der Hutterischen Widertaufer Taubenkobel**

**Fischer, Christoph Andreas**

**Jngolstatt, 1607**

Titulus XXV. Was die Widertaufer von der Kauffmanschafft halten.

**urn:nbn:de:hbz:466:1-32901**

Er gibt für/er habe das Wissen Gottes/ ja einē Son  
Gottes nenet er sich/ er bringt herfür vnserē anschlag  
vnd fürnehmen/er ist vnns schwer auch anzusehen/  
dann sein Leben ist nit wie andere Leben/ vnd seine  
Weg seyn gang vnsträfflich. Wir werden von ihm  
geachtet als die Lugner/ er engeucht sich von vnsern  
wegen/ als von vnreinen Dingen/ vnd die letzten ding  
vnd das End der frommen das preist er hoch.

Aber gleichwie die Widertauffer jetzt mit den gottes  
losen die Priester verwerffen/ also wann dieselben an  
jenem Tag werden stehen mit grosser Beständigkeit  
wider sie/ alsdan werden sie seuffzen auß Angst ihres  
Geistes/ werden in sich selber gehen/ ein Rew haben/  
Seuffzen/ vnd vor grosser angst ihres Hertzens mit  
den Gottlosen sagen. Das seynd die wir vorzeiten für  
ein gespött gehabt/ vnd mit denen wir vnsern Spott  
vnd Schmachred getriben haben/ wie seyn wir so thö  
richt gewesen/ wir haben gemeint/ jr Leben sey ein vns  
sinnigkeit/ vnd jr end sey ohn Ehr. Siehe wie seyn sie  
vnter die Kinder Gottes gezehlet/ vnd haben ihren  
theyl mit den Heyligen.

Sap. 5-

### Was die Widertauffer von der Kauffmanschafft halten.

Titulus  
XXV.

Ob man Kauffmanschafft treiben möge?

Nein.

**R**emerey vnd Kauffmanschafft zutrei  
ben vnder vnns gestatten wir keinen/ dieweil  
es ein sündiger Handel ist. Rechenchafft/  
fol. 157. b.

Wie

Wie dergleichen Kott ist noch niemandt auffgezogen/ so viel als mir bewust/ als eben das erbar Gesinde/das nit wil betrachten/ das innder Kauffmanschafft erscheinet die Liebe gegen dem Nächsten. Sie wollen nit sehen dz solche gelanget zu erhaltung Land vñ Leut/weil nit ein jegliches Land alles trägt/wz dem Menschen zu auffenthaltung seines Leibs nützlich ist/ vñd wie der Poet sagt: Non omnis fert omnia tellus. Sehen nur die Widertaufer iren eigenen Handel an den sie treiben mit dem Eisen/ ich geschweige anderer Waahren/gewiß sie wurden nicht mit solchen/vngereumbten vñd vngeschmachten sachen vmbgehen/ vñd nicht ein anders schreiben/ vñd ein anders mit dem Werck bestertigen.

Titulus  
XXVI.

### Was die Widertaufer von den Wirtshäusern halten.

Ob die Widertaufer auch Wirtshäuser halten?

Nein.

**N**och lassen wir vnter vns keinen zu/das er ein offener Wirth sey/ Wein oder Bier schencke/dieweil alles vnzüchtigs/ vngöttlichs vñd verderbts Wesen darbey geschicht. Das aber thun wir/ vñd ist auch recht gethon/ wann jemandes vber Geld kommet/ vñd nicht weiter weiß vñd kan/ vñd zu einem vnser Brüder einkehret/ so nimmet er ihn auff/ vñd beherberget ihn/ dienet ihm vñd thut ihm guts nach dem er vermag/nicht aber vmb Gelt/sonder frey vñd vmb sonst. Rechen schafft/fol. 158. b. 159. a.

Dasz dises ein billiche vrsach sey die Gasthäuser zu verwerffen/weil bisweilen etwas böses inn solchen geschichte